

胡氏宗譜

蘭

二集





圖像引

古之祭者陳宗器設裳衣蓋先澤

所傳示不忘也况先代之儀容象

貌傳諸繪圖者非特遺器遺服比

也其又可忘耶且依古以來有功

業者必有圖像如漢之雲臺唐之



新刊月毛六書卷之三

三

凌烟閣是已苟或模糊剝落必重  
施丹青再開生面以垂久遠雖於

國於家公私不同其示不忘則一

也吾胡氏祖像自始祖栢山輔成

公至十五世有常公遺像一十有

五爲先人所世守而留貽至今者

瞻仰之下精神屬焉靈爽憑焉洋洋乎如在其上矣禮曰思其笑語頌曰賚我思成此物此志也第恐久而湮沒故摹勒於譜以垂諸無窮後之覽者慎勿徒以像觀之哉亦如入廟思敬過墓思哀以致其

青房古史卷之二  
三  
纏綿無已之情則亦庶乎其可也  
至若有常公以下其像或傳或不  
傳而在近代則載之而不勝載故  
不盡列於譜是爲引

後裔舉敬識

常樂翁像

栢山始祖諱從字輔成號常樂翁



滄溪周子贊

辰分五季履脫毘陵地不易

姦知後必真得交栢山擔

弛肩息鳳逸龍蟠火然泉

達

如境陳壽書





山 齋 公 像

二世祖諱霸字強仁號山齋



康晉以子境

高之每栢山太玉堂政不

空楓陸許子左空陽春

一枝皓子于里費育何

新洞明音底

東山何行以出



宋贈大理寺丞懷山公像

三世祖諱諒字德休號懷山  
以子屯田員外郎穆恩贈



明道程子贊

偉守儀宮廊乎襟抱具廊廟之  
 才探設書之奧相又立基于新徙  
 教子資養乎大寶于以沐兩躬  
 恩寵為四方儀表當蔗境之時  
 甚樂伴柏山之名不心豈非創業  
 垂統而立心九州之者乎

汝學方玉振敬錄



思齋公像

四世祖諱儼字恭甫號思齋



高隱栢山陶然自之  
嘯傲煙霞徜徉林樾  
靈臺無象丹青在目  
當世欽其高風奕禩  
仰其芳躅

古虞崇心唐倬拜書



宋贈中奉大夫凝菴公像

五世祖諱尚能字謙道號  
凝菴以孫尚書沂恩贈



伊川程子贊


學貫天人文成經濟

賈董之儔韓柳之輩

蘊積不彰丘園是樂

滿朝冠蓋終不能若

盧為伊拜書




蘭風古且集言

三享不空



宋贈少保定翁公像

六世祖諱宗伋字浚明號定翁見傳



紫陽朱子贊


既曰醇儒又曰定翁

懿德美行學者所宗

父賢子孝兄弟恭

仰慕先生千載竒逢

遠氛華維新書



傳

胡宗伋字浚明童時便如成人其父呼曰老子及長刻意于學元符間試禮部下第歸益市書築室教授鄉里學者多從之遊宗伋性至孝跬步未嘗忘親賑人之急必窮其力建炎之亂士人避地明越者多歸宗伋宗伋皆爲之所卒無顛隳宗伋雖窮老爲學不倦會孝宗御極恩至是宗伋五上禮部矣例授房州文學調瀏陽丞用薦監嚴州比較務最進一官丐祠監南嶽廟轉饒之德興丞仍丐嶽祠宗伋操行方軌篤於道德性命之旨其交遊子弟非是莫取史稱宗伋醇儒良然宗伋及子沂孫搏各有傳載縣誌



附

紫陽朱子題

定翁配莫泚人贊

道合中庸行循內則德言

宏工才學智識強古素今

孰能盡得全卷著名周

門是式

後學貧品張謨敬錄





附莫淑人傳

胡宗伋妻莫氏通經學曉音律女紅之事不習而能年逾三十擇配未嫁聞宗伋賢許嫁之其姑宣厲疾莫顛天焚香蒸臂祈代鄉人憐之爲作孝婦詞宗伋嘗開義學教訓鄉族子弟館穀之莫脫簪珥治具無吝及携莫就南宮試客久困甚親故勸之歸莫持不可曰助宗伋訓學徒給衣糧必成名乃歸遭金兵犯闕倉卒南奔宗伋感疾良苦莫勉之曰丈夫當如是強志報其弟姪書謂定翁父子自恨儒生無可報國死生非所與論其際顛沛而引義慷慨如此門人孫介緝其書以比曹氏女誡云

傳載縣誌

淑人著作有賢訓編及家訓一百二十條另作一帙





宋封開國子謚獻簡公像

七世祖諱沂字周伯號遵拙見傳



此象易市子頭


齒末及及  
及及  
及及  
及及

髮盡垂  
髮垂  
髮垂  
髮垂

媚結  
媚結  
媚結  
媚結

遺豫  
瞻以  
伊誰  
舌隄

出盧  
陳  
森  
書



劉公先祖贊

忠貫日月氣充堪輿  
竒勲偉績謹論嘉謨  
事不欺心言必顧行  
美玉精金止水明鏡

瑤亭沈九程書

歷觀台輔久兼儒者潛龍羽翼公乃大  
雅帝曰舊臣汝遂佐予真儒之效比其  
權輿聚匱務開明良喜起如龍如雲如  
魚如水任以天下可為大臣勞謙得士  
清淨寧民想其半彩金玉璧賜以無  
圖百辟是式景惟丹青盛德形容尚友  
凌煙黃閣清風  
文文山公贊

何偉業書



勅起居郎胡沂

奉

天承運

皇帝勅曰詩云濟濟多士文王以寧惟我

皇太祖

太宗亦賴庶工以熙中外之務故帝績以茂治功以成朕荷畀

付兢業怵惕惟屬推賚天下所以率舊章而成先志也爾

拱箬有恪恭之誠臨民懷安靜之美應我郎選進茲官榮

勉慎漸脩用祇寵獎奉

勅如右牒到奉行



勅

命

大宋紹興十二年八月四日

之

寶



傳

胡沂字周伯餘姚人父宗伋號醇儒沂進士甲科陸沉州縣幾三十載紹興二十八年始入爲正字遷校書郎兼實錄院檢討官吏部員外郎轉右司孝宗受禪連擢殿中侍御史時龍大淵曾覲以藩邸舊恩除知閣門事沂論其市權招士請屏遠之未聽而與諫官劉度等坐抗論左遷沂章累上曰安知無柳宗元劉禹錫輩撓節以從之者好進者嫉其言共排之沂亦以言不行乞外祠乾道元年累遷吏部侍郎兼權尙書事以目疾自辭六年出知處州復引疾提舉興國宮八年連拜給事中進禮部尙書兼領詹事又改侍讀上顧沂厚有大用意而沂恬退無所依附數請去虞允文當國希旨建策復中原沂極論金無釁可乘而我諸將有未可任者數梗其議遂以龍圖閣學士仍奉興國宮卒年六十八方疾革整容索冠不少惰其爲學所得者如此追贈少保謚獻簡

載宋史列傳

獻簡公所撰典籍有經說五卷史說五卷虞翻集三卷虞預集  
 十卷虞喜集十一卷虞羲集九卷虞通之集二十卷虞世南集  
 三十卷虞炎集七卷遵拙齋集藁二十卷經筵東宮故事四卷  
 虞谷奏事六卷胡沂奏議八卷臺評三卷詞垣草十卷進講餘  
 抄五卷



宋贈中奉大夫柏林公像

八世祖諱樽字崇禮號柏林見傳



古陽臺山居士詩材詩畫題




如玉之粹如美之溫溫守美於一身沐  
寵光於九重鳴珂而自中乎節節後漏  
而不忘乎恭此舟車之所經蓋庶幾也  
畫其形實矣至乎心公而忠政通而平  
超然直與循吏等早然不與流俗同輕  
弓中書纂其實殆非舟車之所能窮也  
瞻瞻公遺像仰公高風亮乎其學之洪強  
如發揚公之正氣以為天下道名深快予  
之不也

古臺志仁士書



傳

胡搏字崇禮兄拱爲乾道名臣早卒士大夫錄其言行爲法崇禮  
悲傷之乞罷官歸葬父沂階未及謚光宗特賜謚曰章簡而崇禮  
復上言先臣有遺德謚未應也詔易章曰獻初浙士以陸學簡易  
權趨之皆群聚講授依歸崇禮崇禮無間晝夜寒暑資業之不厭  
士多成名崇禮嘗爲兩浙轉運司幹官條無名賦請盡蠲之湖常  
水旱疾疫乞多賣僧轉米緣門糜飲之民賴全活子衛衍衛舉進  
士累官禮部侍郎封餘姚縣開國伯衍知漢陽軍



宋 封開國伯翁山公像

九世祖諱衛字敦道號翁山以進士  
第仕至禮部侍郎贈銀青光祿大夫



西山先生公贊


其和則其  
其腹則其  
其人也其  
其也其  
其也其  
其也其  
其也其

在




愚齋公像

十世祖諱寬字居敬號愚齋



柏山遺老亭  
物表敷



篤彛倫崇尚古道見善  
則遷不貧為寶身之塵  
寰泯懷不擾

翼齋沈鵬飛書





宋 解 元 裕 齋 公 像

十世祖諱表字忠成號裕  
齋景定甲子科鄉試第一



黃子澄贊

孝友貫乎神明與墳日其始廓

深思若乎風雲律筆刻於鋒研

初刻音字之軍且一戰而奪前年之

梨以謬之孫則鳳毛以為才人則駭

駛直宜研梁右雅所唱館陶惟會

于時之不可為也是以聊慨然於其望也

集群後以道遠長唱寤以自系

嵐峰沈君敬書



元 宣 城 縣 尹 牧 齋 公 像

十二世祖諱友謙字吉士號牧齋以德行薦辟




學醇而正政和以平坐

重梓里畫晉宣城風

標玉潤節操冰清嶠

然道彰千載如生

東山尚後書



雲 衢 公 像

十三世祖諱夢祥字應龍號雲衢





律身以道接物以誠



不希厚祿不慕榮名

琴書適性山水陶情

誰堪與匹風亞洞明

後裔 健

敬錄




思 漢 公 像

十四世祖諱祖慶字思漢



風規峻整其厲而不  
 磷在平搖履端方其  
 涅而不緇者乎純粹  
 乎中焉溫潤於室也  
 將已潔行之君子志乎

汝學羅洙拜書





宣 教 郎 有 常 公 像

十五世祖諱伯成字有常號心齋



靜齋

以德立身 人生海濱 師表  
 以學成名 名士垣席 觀文先  
 宜和親 嘉言自裨 友實  
 跡及化土 德範允洽 乎  
 躬修曾執 經筭揚于 帝  
 前而秉鐸 聖省干鄉 國

齊孫坡敦錄



選舉錄引

職官附

天下之達尊三爵一齒一德一今  
譜中世系圖卽序齒之意叙世傳  
卽尙德之義苟尊爵之道闕如非  
法也故爲選舉職官二錄選舉者  
職官之始職官者選舉之終分之

則二合之則一爲之錄者非第以  
名爵爲榮蓋立德立功立言雖不  
係于名爵亦未嘗不因名爵而益  
大其施然則述先代勉後人不亦  
可乎

後裔世昌敬識

胡氏選舉錄

埋馬後裔文祥纂修

選士聿興

惟賢惟能

事舉言揚

榮名孔彰

繼往開來

名不朽哉

名胡不朽

世德之厚

永言積德

曷有其極

克紹前緒

永光選舉

選舉錄第一

宋朝

宋代設科初因唐制有進士九經五經開元禮三史三禮三傳

學究明法諸科進士試詩賦雜文各一首策五道論語十帖春秋

禮記墨義十條神宗熙寧初始罷詞賦專用經義哲宗元祐初分

經義詩賦論策為四場高宗紹興中復分經義詩賦為兩科

鄉舉

仁宗慶歷八年戊子科鄉舉

胡穆

字正甫號端齋

輔成公曾孫

按宋史選舉志云凡貢士諸司長吏舉送必先稽其板籍察其品

行為鄉里所推每十人相保內有無行者則連坐不得舉仁宗即位之初詔士有文而行不副者州郡毋得薦送故士之舉於鄉者莫不履行修飭至是凡八貢舉端齋公首登是科遂聯第皇祐己丑科馮京榜進士有新徙復掇巍科示子孫七言律詩云栢山東南地不偏自喜雄圖愜懋遷拓業未成千頃外着鞭已在萬人先香分月窟新開桂花對濂溪舊種蓮遺世雲初能繼武一經端不負家傳

哲宗元符二年己卯鄉舉

胡宗伋 字浚明號定翁

輔成公六世孫

按宋史選舉志云哲宗初年方改更先朝之政尙書省請復詩賦與經義兼行又請立明法科左僕射司馬光議曰取士之道當先德行後文學就文學言之經術又先於詞采神宗專用經義論策取士此乃復先王令典百王不易之法若置明法一科習為刻薄

非所以長育人材敦厚風俗也紹興初議者益多乃詔罷詩賦專習經義元符己卯哲宗凡五貢舉矣定翁公以經義特拔是科史稱公操行方軌篤於道德性命之旨為醇儒云

徽宗宣和元年己亥科鄉舉

胡宗哲

字世則號達翁

輔成公六世孫

按宋史徽宗崇尚老氏之學重和元年五月詔班聖濟經八月詔班御制註道德經九月詔太學辟雍各置內經道德經莊子列子博士三員於是知兗州王純乞於御註道德經註中出題尚書左丞范致虛亦乞用聖濟經出題宣和元年三月徽宗親取貢士卷考定能深通內經者升之以為第一時達翁公卷遂魁多士

徽宗宣和五年癸卯鄉舉

胡尚智

字幾道號貞菴

輔成公五世孫

按宋史選舉志云徽宗崇寧初詔天下取士悉由學校升貢其州

郡發解及試禮部法並罷時州縣悉行三舍法學者病之大觀四年五月星變侍御史毛注言養士既有額而科舉又罷則不隸學籍者遂致失職天之視聽以民其民之秀者今失職如此疑天亦譴怒願以解額之歸升貢者一二分不絕科舉亦應天之一也遂詔更行科舉一次宣和三年詔罷天下州縣三舍法惟太學用之以甄序課試開封府及諸路並以科舉取士是時越州解額十二名癸卯科姚邑中式者有葉汝士杜師舉李唐卿張孝友高選茅密六人本籍已居其半貞菴公復以會稽籍中式當時稱爲選舉盛事云

### 徽宗宣和六年甲辰科鄉舉

胡沂

原名申貢入太學改今名字周伯號遵拙時年十八歲  
輔成公七世孫

按宋史選舉志云崇寧以來士子各徇其黨習經義則詆元祐之非尙詞賦則誦新經之失互相排斥群論紛紛臣僚又言科舉取



士要當質以史學詢以時政今之策問虛無不根古今治亂悉所  
不曉救之之術莫若遵用祖宗成憲王安石解經有不背聖人旨  
意亦許采用至於老莊之書及字說並應禁止至是詔政和中嘗  
命學校分治黃老莊列之書實失專經之旨其內經等書並罷遵  
拙公由太學首選遂擢高科御史中丞陳過庭得公試卷讀之不  
忍釋手嘆曰理學經濟俱在是矣卒爲名儒名臣云

又按石斗南撰狀云公年十二歲試鄉校在第二考官得所試卷  
歸而傳誦勅其子曰汝不見胡氏子乎今雖未達其功名遠大殊  
未易量云

高宗紹興十七年丁卯科鄉舉

胡宗堯

字唐老號丹陵

輔成公六世孫

按宋史選舉志云紹興初御史曾統請取士止用詞賦未須兼經  
義高宗亦以古今治亂多載於史經義登科者類不通史將從其

議左僕射呂頤浩曰經義詞賦均以言取人宜如舊遂止七年始命各差詞賦經義考官十年詔諸州依條發解告丹陵公遂以詞賦預浙漕舉既中而復落十五年正月詔分經義詩賦為兩科取士於是丁卯科丹陵公再以詩賦科別院中式

高宗紹興二十年庚午科鄉舉

胡源

字元功號實齋

輔成公七世孫

按宋史高宗本紀云十七年正月以舉人多肩貫命州縣每三歲行鄉飲酒禮以貢士十九年詔自今鄉貢前一歲州軍屬縣長吏籍定合應舉人以次年春縣上之州州下之學覈實引保赴鄉飲酒然後送試院及期投狀射保者勿受於是明年庚午科元功公以預鄉飲酒例應試遂以經義科中式浙漕第四人

高宗紹興二十三年癸酉科鄉舉

胡滂

字漢卿號節齋

輔成公七世孫

按宋史紹興二十三年以士習周禮禮記較他經十無一二恐其學寢廢遂命州郡招延明於二禮者俾立講說以表學校及令考官優加誘進於是癸酉科節齋公以二禮科應舉中式第二人屢赴禮部試不第孝宗乾道四年戊子三月詔舉遺逸邑大夫王垂言其行誼特詔徵之賜同進士出身授左廸功郎守太學學錄其教一以德行經術爲先學者翕然宗仰焉

高宗紹興三十二年壬午科鄉舉

胡拱

字達才號栢山

輔成公八世孫

按宋史紹興二十四年春正月癸酉初詔郡國同以八月十五日試舉人至是壬午科又四舉矣而是年六月丙子高宗詔皇太子卽皇帝位自稱太上皇帝退居德壽宮則是八月鄉試實爲孝宗御極之首科前禮部侍郎金安節言熙寧元豐以來通經者陋賦體雕刻習賦者苦經旨淵徵心有弗精智難兼濟又其甚者論旣

併場策問寡議論器識無以盡人才士守傳注史學盡廢此後進  
往往得志而老生宿儒多困也請復立兩科永為成憲從之於是  
達才公以漕舉中式高捷巍科士大夫多錄其文為程式史稱淳  
熙名士云

孝宗淳熙十三年甲午科鄉舉

胡棫

字民瞻

輔成公七世孫

按宋史選舉志云孝宗淳熙十一年冬十月太常博士倪思言舉  
人輕視史學今之論史者獨取漢唐混一之事六朝三國五代為  
非盛世而恥談之然其進取之得失守禦之當否籌策之踈密區  
處兵民之方形勢成敗之跡俾加討究有補國家請論考官凡課  
試命題雜出諸史無所拘忌考覈之際稍以論策為重毋止以初  
場定去取從之於是十三年甲午科民瞻公預浙漕舉中式經史  
論時務策高出流輩一時爭相傳誦云

寧宗慶元四年戊午科鄉舉

胡衛

字敦道號翁山

輔成公九世孫

按宋史選舉志云慶元四年上以經義多用套類父子兄弟相授致天下士子不務實學遂命有司六經出題各于本經摘出兩段文意相類者合爲一題以杜挾冊僞偽之計時敦道公年二十歲浸淫六經筆翰如飛由新城監稅請試浙漕中式第三人明年己未魁別院擢曾從龍榜進士史稱學問純正克紹其先人德性義理之傳薦紳視爲型法云

寧宗嘉泰元年辛酉科鄉舉

胡衍

字晉遠號松山

輔成公九世孫

按宋史選舉志云嘉泰元年起居舍人章良能陳主司三弊一曰沮折詞賦太甚既暗削分數又多置下陳二曰假借春秋太過諸處解榜多寘首選三曰國史寶錄書禁民私藏惟公卿子弟因父

兄得以竊窺肩禁傳寫而有司乃取本事藏匿本末發為策問寒士無由盡知自今詩賦純正者寘之前例春秋惟卓異者寘之高  
等餘當雜定策題則必明白指問于是松山公由銓試高等請舉  
浙漕以春秋義傑出流輩遂魁榜首時年十有九歲云

寧宗開禧三年丁卯科鄉舉

胡剛中

字伯應號順菴

輔成公九世孫

按伯應公時年一十七歲以鄞縣籍中式明年嘉定元年戊辰聯捷鄭自誠榜進士仕終國子博士

寧宗嘉定六年癸酉科鄉舉

胡衢

字亨之號雲柯

輔成公九世孫

接雲柯公時年二十有六歲以詩賦科中式浙漕仕終進賢縣丞

寧宗嘉定十五年壬午科鄉舉

胡頰

字士宗號同甫

輔成公九世孫

按宋史選舉志云嘉定十五年秘書郎何澹言有司出題強製句讀專務斷章離絕旨意破碎經史望令革去舊習使士子考註疏而辨異同明綱領而識體要從之時士宗公年三十有四以經義科中式主司稱其言論剴切似陸宣公奏議可見之施行屢赴禮部試不第嘉熙戊戌赴銓試出官終著作郎太常博士

理宗紹定元年戊子科鄉舉

胡觀

字士邁號朝陽

輔成公九世孫

胡汝文

字伯才號質翁

輔成公十世孫

按宋史選舉志云紹定元年有言舉人程文雷同或一字不差其弊有二一則考官受賄或授暗記或與全篇一家分傳謄寫一則老儒賣文場屋一人傳十十人傳百考官不暇參稽于是命禮部戒飭前申號三日監試官會聚考官將合取卷參驗互考稍涉雷同即與涉落或仍前弊以致覺察則考官監試一例黜退時士遇

公伯才公叔侄同領鄉薦錄事參軍某首拔士遇公卷有如鷄群  
一雀卓立塵表之稱以屢赴禮部試不第淳祐壬寅謁銓調平江  
之長洲尉終嘉興府華亭縣知縣伯才公中式第三邑侯趙汝熟  
延之家塾以訓諸子淳祐初以大臣薦除國子助教

理宗紹定四年辛卯科鄉舉

胡時中

字伯庸號敬菴

輔成公九世孫

按宋史選舉志云紹定四年臣僚甚言科場之弊乞戒漕臣嚴選  
考官地方多經學則博選通經者地方多賦學則廣致能賦者主  
文必兼經賦者乃可充其職監試或倅貳不勝任必別擇人仍令  
有司量展揭封之期庶可校定詳悉不致失仕時場屋士子日盛  
諸州府共增解額一百七十名伯庸公以鄞縣籍中式第七人

理宗端平元年甲午科鄉舉

胡向禮

字節之號慕菴

輔成公十一世孫



按宋史端平元年三月臣僚請學校場屋並禁斷章截句破壞義理其程文本古注用先儒說者取之穿鑿撰說者黜之伯儀公以三禮科中式時稱其試卷出經入史有漢人矩度云

理宗景定五年甲子科鄉舉

胡襄

字忠成號裕齋

輔成公十一世孫

胡舜夫

字紹符

輔成公十二世孫

按宋史選舉志云理宗朝場屋雷同假手之弊多由于州群試院繼燭達旦或至次日辰已猶未出院其所以間日者不惟止可以惠不能文之人適足以害能文之士遂一遵舊制連試三日裕齋公紹符公叔侄同領鄉薦裕齋公魁浙漕第二華文閣直學士平菴趙彥械謂其不墜家聲誠爲國寶云會元亂遂不復赴禮部試紹符公預鄉舉復入太學度宗咸淳間推幸學恩授迪功郎已而見宋室日蹙遂隱不出乃卽從山之陽築別墅讀書其中高人逸

士咸景仰之

右鄉舉計二十一人

孝宗乾道五年己丑科武舉

胡澣


字子西號岐山

輔成公之世孫

按宋史孝宗嘗謂輔臣欲令文士能射御武臣知詩書命討論殿  
最之法時子西公雖專韜畧而兼詩書遂以武科中式仕終保義  
郎

### 明朝鄉舉

按明太祖洪武三年庚戌詔開科舉詔曰朕聞成周之制取材于  
貢士故賢者在職漢唐及宋科舉取士各有定制然但貴詞章而  
不求德藝之實前元依古設科待士而權家勢要結納奔競輒竊  
仕祿賢者恥于並進其隱山林而不起風俗之弊一至于此今朕  
一統華夷顧得賢人君子而用之自今八月爲始特設科舉以取



懷才抱德之士務在經明行修博通古今名實相稱其中選者朕將親策于廷第其高下而任之以官果有才學出衆者待以顯擢以稱朕責實求賢之意于是四年五年連試六年詔停科舉令有司察舉賢才至十七年甲子始頒行科舉定式三年一舉子午卯酉年鄉試辰戌丑未年會試惟永樂元年癸未以壬午科兵革未舉鄉試乃以是年試鄉試日期八月初九日第一場試四書義三篇試經義四篇十二日第二場試論一道三百字以上判語五條詔誥表章內科一道十五日第三場試經史論五道三場文字務要典實不許繁衍自洪武三年庚戌科至景泰庚午科解額多寡不同至景泰四年癸酉科浙江解額九十人遂爲定制萬歷四十四年乙卯科增七人共九十七人

英宗天順三年己卯科鄉舉

胡恭

字克敬號蘭室

輔成公十八世孫

按蘭室公穎敏嗜學為詩意氣凌厲音調鏗錡一時藝苑皆推先  
之已而棄詩學經術無所于師然能洞視奧旨為三禮宗作進士  
業如詩有名天順己卯以中式浙江沈繼先榜鄉貢甲申擢彭教  
榜進士

憲宗成化四年戊子科鄉舉

胡贊

字克襄號宜山

按宜山蘭室公季弟也占順天府興州中屯衛籍成化戊子科以  
禮經中式順天史俊榜鄉舉遂聯捷己丑科進士

明孝宗宏治十一年戊午科鄉舉

胡晉錫

字蕃侯第己未科進士

輔成公二十世孫

選舉錄第二

宋朝進士

按宋史選舉志云太祖開寶六年親召禮部貢士赴試講武殿嘗

語近臣曰昔者科名多爲勢家所取朕今親臨試盡革其弊矣殿  
試進士遂爲常制太平興國三年太宗御殿覆試命李昉扈蒙第  
其文理優劣爲三等並賜及第并賜袍笏錫宴開寶寺帝自爲詩  
一章賜之八年始分三甲自是賜宴瓊林苑真宗景德四年命有  
司詳定考第之制凡五等學識優長詞理精純爲等第一才思該  
通文理周率爲第二文理俱通爲第三文理中平爲第四文理踈  
淺爲第五臨軒唱第上二等曰及第三等曰出身四等五等曰同  
出身熙寧三年神宗親試進士始專以策限對千字因謂執政曰  
對策亦何足以盡人材然愈于詩賦取人耳自是經賦分科聲律  
日盛高宗嘗曰向爲士不讀史遂用詩賦今則不讀經不出數年  
經學盡廢矣紹興二十七年丁丑詔取士復行兼經參合三場首  
本經語孟義各一道詩賦各一首次子史論一道時務策一道如  
治三禮文義優長許侵用諸經分數時號爲四科孝宗乾道八年

壬辰科遵拙公時除給事中屬廷試奏乞依紹興丁丑御禮取鯁亮切直者置之前列繼又言陛下廷策多士遠舍唐虞三代而近取漢唐一二君聖意去取固自有在抑臣嘗評之三代以降罕復全主然文帝之受言武帝之尊賢太宗之納諫皆其所長不可訾也賈誼慟哭一書許已過誇詆時過訐而帝不爲過汲黯戇直數犯忌諱然帝嚴憚之不冠不見也魏徵指摘過失爲人情所不堪者太宗不惟黽勉容受而已蓋方嘉獎導掖如恐其言之不盡由是觀之其所以爲治非偶然也陛下誠集其所長又光大之則治功聿隆豈特漢唐哉時同郎官蕭國梁造貢籍成上之凡諸道舉人鄉貫治經三代年甲舉數悉脩胡氏賜禮部進士及第出身者始仁宗皇祐己丑科終宋理宗淳祐丁未科計七人謹錄之左云

仁宗皇祐元年己丑科馮京榜進士

胡穆

按宋史選舉志云開寶六年禮部奏合格進士諸科太祖親御殿  
召對命殿中侍御史給紙筆別試詩賦殿試遂爲常例仁宗慶歷  
間知制誥富弼言國家沿隋唐設進士科自咸平景德以來爲法  
尤密而得入之道或有未至且歷代取士悉委有司未聞天子親  
試也至唐武后始有殿試何足取哉使禮部高下以奏而引諸殿  
廷唱名賜第則與殿試無以異矣遂詔罷殿試而議者多言其輕  
上恩墮故事至是復如舊于是己丑之三月壬辰上親御殿召對  
南省元馮京榜進士共諸科制科一千四十九人甲午仍擢馮京  
第一甲第一人賜進士及第端齋公穆由慶歷戊子科鄉舉聯捷  
南省第九人殿試擢第三甲第一人賜進士出身仁宗朝貢舉凡  
十有三進士凡四千五百七十人而是科進士四百九十八人稱  
爲極盛紹興府擢進士者十三榜中共六十一人而餘姚止端齋  
公一人郡邑選舉誌宋祖設科以來至皇祐己丑九十餘年矣而

姚之擢科第者自端齋公始是端齋公不特爲胡氏發祥之祖實姚邑開科之祖也宜司馬溫國公有早登甲第一邑開端之稱云徽宗宣和六年甲辰科沈晦榜進士

胡尙智

按宋史徽宗崇寧三年十一月詔天下取士悉由學校升貢其州郡發解及試禮部法並罷自此歲試上舍悉差知舉如禮部試故大觀政和以來所貢士止有上舍魁而無省元至宣和六年復省試于是閏三月庚子上御集英殿策南省元楊椿等萬五千人夏四月癸丑賜禮部奏名進士沈晦以下八百五人及第出身時校書郎兼資善堂贊讀胡松年爲殿試參詳官以沈晦第一徽宗大悅曰朕久聞晦名今乃得之矣貞菴公尙智由會稽籍中式癸卯科鄉舉聯捷南省至是殿試賜同進士出身授廸功郎選舉志云宣和六年禮部試進士萬五千人詔特增百人額正奏名賜及第



者八百餘人因上書獻頌旨令赴試者殆百人有儲宏等隸大闈  
梁師成爲使臣或小吏皆賜之第自設科以來南宮試者無愈此  
年之盛然襍流闈宦俱玷科名而祖宗之法蕩然矣

高宗紹興五年乙卯科汪應辰榜進士

胡沂

按宋史選舉志云紹興五年初試進士於南省戒飭有司商確去  
取毋以飾繪章句爲工當以淵源學問爲尙事關教化有益治體  
者毋以切直爲嫌言無根柢肆爲蔓衍者不在採錄舉人程文許  
通用古今諸儒之說及出己意文理優長者爲合格三月御試奏  
名汪應辰第一初考官以有官人黃中第一帝訪諸沈應求應求  
以沈邁與馮京故事對乃更擢汪應辰爲魁遂爲定制時紹郡新  
昌石師能擢第二上虞李孟博擢第三遵拙公沂由宣和甲辰貢  
元捷乙卯南省樊光遠榜第二人殿試唱名第四人時御策以吏

道民力兵勢為問公對策以為人主握乾綱以恢宏治道在乎法  
天之健自強不息而已史稱陳中興艱難之策剴切萬言云

寧宗慶元五年己未科曾從龍榜進士

胡衛

按宋史慶元五年夏五月戊戌賜禮部進士曾從龍以下四百十

二人及第出身時翁山公衛由戊午漕舉聯捷南省蘇大章榜第

十八人殿試唱名第二甲第九人賜進士及第嘉禮志云慶元五

年五月賜新及第進士曾從龍以下開喜宴于禮部貢院上賜七

言四韻詩秘書監楊王休以下繼和以進自後每舉並如之故事

唱第後三日上三人得自擇同升之彥朝謝後拜黃甲其儀設褥

于堂上東西相向皆再拜拜已擇榜中年長一人狀元拜之復擇

最少者一人拜狀元所以侈寵靈重年好明少長也時翁山公年

二十一歲蓋最少云

寧宗嘉定元年戊辰科鄭自誠榜進士

胡剛中

按宋史選舉志開禧丙寅以舉人姦弊滋多命諸道漕司州府軍監凡發解舉人合格試卷姓名類申禮部候省試申牒發御史臺同禮部長貳參對字畫關御首院內侍照應廷試字畫不同者別榜駁放舊制臨軒親試爲之天子門生雖父兄爲考官亦不避嘉定元年始因議臣有請命朝官有親屬赴廷對者免差充考校四月壬子御集英殿策進士五月辛酉賜禮部進士鄭自誠以下四百二十六人及第出身時伯應公剛中由鄞縣籍中式開禧丁卯科鄉魁聯捷戊辰南省宋停榜殿試擢第三甲賜進士出身仕終

國子博士

寧宗嘉定四年辛未科趙建大榜進士

胡衍

按宋史慶元初韓侂胄襲秦檜餘論指道學爲僞學臺臣附和之上章論列其有舊習不改則坐學官提學司之罪迨開禧乙丑十一月乙亥上密命夏震誅韓侂胄于玉津園以詔天下越四日己卯復下詔姦臣誅殛當首開言路以來忠讜嘉定改元二月又詔史官改紹熙以來韓侂胄事跡于是省試貢士曉然知所趨向凡道學之家皆得預選松山公衍由嘉泰辛酉科春秋義漕舉中式三應鎖廳試不第辛未高捷南省周端朝榜第五人殿試對策三千餘言皆切中時務捷趙建大榜第三甲第二人賜進士出身終知漢陽軍主管勸農營田使兼節制兵馬居官以品望著史稱得道學正傳能光復其先人舊物官臨川郡時嘗刻崇仁布衣贈秘閣修撰歐陽澈上高宗三書以激勸忠義足見其生平梗概云

理宗淳祐七年丁未科張淵微榜進士

胡時中

按宋史選舉志理宗初臣僚言考官之弊詞賦命題不明致士子上請煩亂經義不分房別考致士子多悖經旨遂飭考官明示詩賦題意各房分經考校凡廷試惟蜀士到榜最遲每展日以待會有言蜀士嗜利多引商貨押船致留滯關津自是定以四月上旬赴試更不展移至淳熙七年以五月乙亥御集英殿策士詔求直言弭旱六月癸巳賜禮部進士張淵徵以下五百二十七人及第出身有差時伯庸公時中由紹定辛卯科鄉舉中式捷南省馬廷鸞榜高魁廷試對策直言時事得失無所忌諱讀卷官吳潛稱其讜言危論有裨時政請置上第會臺臣有抑之者及唱名末甲第一人賜同進士出身仕終淮西總幹

### 明朝進士

按明太祖洪武四年辛亥詔鄉試中式舉人行省咨中書省判送禮部會試五年壬子罷進士舉十七年甲子始詔鄉試舉人給公

據赴禮部會試凡三年一大比定子午卯酉年鄉試辰戌丑未年會試其會試日期二月初九日第一場十二日第二場十五日第三場試題事例與鄉試同成祖永樂元年癸未禮部奏壬午科以兵革未舉鄉試請以今年八月鄉試明年甲申會試禮部請取士之數上問洪武中所選幾何尙書李至剛對曰各科不同多者四百七十餘人少者三十人上曰朕卽位姑率其多者不爲例自後會試額俱臨時奏請裁取不一大約以三百爲準殿試三月初三日凡會試中式殿試不黜落洪武辛亥乙丑殿試皆親製策問其後或命翰林擬撰取自聖裁用之舉人對時務策一道惟務切直限一千字以上永樂七年己丑會試中式陳璘等八十四人時上巡狩北京詔禮部以會試舉人寄監讀書九年辛卯車駕還京臨軒策問天順七年癸未會場災改試期于八月以明年甲申三月廷試正德十五年庚辰車駕南巡取中會試舉人未廷試明年辛

已世宗嘉靖御西角門策問舊制廷試畢次日讀卷又次日放榜  
宏治三年庚戌大學士劉吉等言時日迫促閱卷未精請再展一  
日至第四日放榜遂爲例傳臚日第一甲賜進士及第第二甲賜  
進士出身第三甲賜同進士出身胡氏明朝擢甲第者蟬聯不已  
英宗天順八年甲申科彭教榜進士

胡恭

按蘭室公恭由天順三年己卯科浙江沈繼先榜鄉舉天順七年  
癸未科會試中式吳鉞榜八年甲申三月廷試擢彭教榜第二甲  
第四十一名賜進士出身歷官河南按察司僉事初公之赴會場  
也值棘闈大火公方投卷且身衣重裘若有人挈之以出獲免患  
焚死者千餘人內舉子九十餘人上憐之俱賜進士主試官俱踰  
墻免改試期於八月更命學士彭時侍讀錢溥再試取吳鉞等二  
百四十七人以明年甲申三月十五日廷試是月不御殿止傳策

擢第一甲彭教吳鈇羅璟二人賜進士及第第二甲李東陽等七十五人第三甲張達等一百六十九人紹郡登第者共十人而姚邑三人

憲宗成化五年己丑科張昇榜進士

胡贊

按宜山公贊由成化四年戊子科順天史俊榜鄉舉己丑科會試聯捷費閻榜三月廷試擢張昇榜第二甲進士出身歷官至江西建昌府知府左遷河東都轉運鹽司使同知加本司運使致仕

孝宗宏治十二年己未科進士

胡晉錫

按蕃侯公晉錫仁邑廩生中式宏治戊午科鄉舉聯第己未科賜進士出身由翰林官至光祿寺正卿

宋朝特奏名進士第三



宋開寶制舉進士諸科不中闕貢籍曾經十五舉以上終場者試論一道皆賜舉科出身特奏名恩例蓋自此始咸平三年眞宗親試特奏名者九百餘人推恩之廣前所未有仁宗景祐初詔南省就進士諸科十取其二凡進士五舉年五十諸科六舉年六十嘗經殿試進士舉諸科舉五者雖試文不合格毋輒黜皆以名聞故事特奏名人試論一道熙寧三年神宗親試進士始專以策于是亦制策焉哲宗元祐初始定特奏名考取數進士入四等以上諸科入五等以上通在試者計之母得取過全額之半是後著爲令高宗建炎二年詔下第進士年四十以上六舉經御試八舉經省試五十以上四舉經御試五舉經省試者悉以名聞許直赴廷試是秋四方士集行在帝親策于集英殿第爲五等特奏名第一人附第二甲賜進士及第第二第三甲賜同進士出身餘賜同學究出身登仕郎京府助教上下州文學諸州助教入五等者亦與調

官紹興十五年依汴京舊制正奏及特恩分兩日唱名孝宗乾道八年詔特奏名自今三名取一宣第四等以前餘並入第五等舊制廷試至暮許給燭淳熙十一年進士廷試不許給燭凡見燭正奏降一甲如在第五甲降充本甲末名特奏名降第一如在第五等與攝助教謂之特奏者以別於正奏名進士而言也宋祖設科以來先世由特科出身者三人今錄於左

高宗紹興二年壬子科石公輒榜特奏名

胡宗伋

按宋史選舉志紹興初諸道貢籍俱燬於兵乃詔轉運使令舉人具元符以後得解升貢戶貫三代治經置籍于部以稽考焉應該恩免解舉人值兵燬失公據者召京官二員委保所在州軍給據仍申部注籍定翁公宗伋由元符己卯預鄉貢恩科至是己五上禮部得給據申注預特奏科恩例于是宗人強起之時年六十有

二矣壬子夏四月戊辰廷試特奏名石公轍榜第三等賜同學究出身出授房州文學

孝宗淳熙五年戊戌科趙黠榜特奏名

胡源

按宋史孝宗嘗謂輔臣欲令文士能射御武臣知詩書命討論殿最之法淳熙二年御試唱第二日上御殿引接文士詹駉以下一百三十九人射藝翌日又引文士第五甲及特奏名一百五十二人其日進士俱欄笏入殿起居易戎服各給箭六弓不限勛力射者莫不振勵自獻多命中焉特奏名五等人射藝合格者與文學時元功公源以射不合格賜帛而還至是戊戌科復預五上禮部恩例廷試特奏名趙黠榜第四等賜同學究出身授中州文學理宗淳祐十年庚戌科張一清榜特奏名

胡向禮

按宋史淳祐九年臣僚言士子有免解僞肩入試者或父兄沒而竊代其名或同族物故而填其籍于是令自本貫保明給據類其姓名先申禮部各州揭以示衆犯者許各擬依鬻舉法治罪伯儀公向禮由端平元年中式三禮科連經省試已五舉矣至是本州給據申注得預恩科直赴廷試特奏名張一清榜第二等賜同學究出身授將仕郎歷仕至朝奉郎

#### 釋褐第四

按宋史選舉志云宋初有以太學生恩賜出身者謂之釋褐徽宗大觀元年初立八行科詔曰學以善風俗明人倫而材所由出也今法制未立殆無以勵天下成周以六行賓興萬民否則威之以不孝不弟之刑近因稽周法立八行入刑殞之學校並行勸懲庶幾于古八行者孝弟睦婣任恤忠和凡有八行實狀鄉上之縣縣延入學審考無僞上其名于州州第其等孝弟忠和爲上睦婣爲

中任恤爲下苟備入行不俟終歲卽奏貢入太學免試補爲上舍  
司成以下審考不誣申省釋褐優命之官不能全備者爲州學上  
等上舍餘有差入刑則反入行而麗于罪各以其罪名之縣上其  
名于州州稽于學毋得補弟子員時先世由太學上舍釋褐者計  
九人今錄于左

神宗熙寧九年丙辰釋褐及第

胡尙文

字貫通號晦菴

輔成公元孫

按宋史選舉志神宗垂意儒學自京師至郡縣旣皆有學歲時月  
各有試程其意能以差次升舍其最優者爲上舍免發解及禮部  
試而特賜之第晦菴公于熙寧改元戊申援例入太學九年丙辰  
冬十一月甲戌神宗幸太學考其文居優等許卽引見賜釋褐及  
第時官論定之士十六人公居其首歷仕至淮南東路泗州通判  
徽宗宣和七年乙巳釋褐解元榜

胡宗彥

字彥朋號拙翁

輔成公六世孫

按宋史選舉志徽宗崇寧五年着令太學試上舍生本慮與科舉相并試以間舍今既罷科舉又諸州貢士其改用歲試每春季太學辟雍生公試總取五百七十四人以四十七人爲上等卽推恩釋褐一百四十人爲中等遇親策士許入試一百八十七人爲下等補內舍生凡上等上舍生暨特舉孝弟行能之士不待廷試推恩者許卽引見釋褐若上舍已該釋褐恩而貢入在廷試前一年者須在學有半年乃得注官彥明公學業德行素爲邦邑所推重大觀崇寧政和間凡五舉入行貢士入太學升上等上舍生至宣和乙巳賜釋褐解元榜充太學學錄辭不就

孝宗淳熙四年丁酉釋褐及第

胡洵

字信伯號篤齋

輔成公七世孫

按孝宗本紀淳熙四年二月乙亥上幸太學祇謁先聖退御敦化

堂命國子祭酒林光朝講中庸監學官進秩一等諸生推恩如故事時篤齋公以學行兩優例賜上等上舍釋褐及第授迪功郎浙東路台州教授

孝宗淳熙十六年己酉釋褐及第

胡濬

字伯明號深若

輔成公七世孫

按宋史光宗本紀淳熙十六年正月辛亥兩府奏事孝宗諭以倦勤欲禪位皇太子退就休養以畢高宗三年之制因令丞相周必大進呈詔草二月壬戌孝宗吉服御紫宸殿行內禪禮是日皇太子卽皇帝位是爲光宗孝宗反喪服御後殿帝侍立尋登輦同御請重華宮卽上尊號曰至尊壽皇聖帝皇后曰壽成皇后甲子帝率群臣朝重華宮大赦百官進秩一級餘推恩如故事時伯明公以上等上舍生推學行兩優恩例賜釋褐及第補迪功郎授浙西嚴州建德簿轉江南東路寧國府涇縣丞

寧宗嘉泰三年癸亥釋褐及第

胡擇

字從善號次翁

輔成公八世孫

按寧宗本紀嘉泰三年春正月戊戌帝幸太學謁大成殿御化原堂命國子祭酒李寅仲講尚書周官篇遂幸武學試武成殿監學官進秩一級諸生推恩如故事時從善公年六十有九以上等上舍生推齒德恩例賜釋褐及第充國子監學錄

理宗紹定元年戊子釋褐及第

胡漸

字進之號達齋

輔成公七世孫


按理宗本紀寶慶二年冬十二月辛巳日南至郊大赦改明年為紹定元年時進之公年八十有二以上等上舍生推齒德恩例賜釋褐補廸功郎

理宗淳祐元年辛丑釋褐及第

胡葵

字士宗號一齋別號向日

輔成公九世孫





按理宗本紀淳祐元年春正月戊申帝幸太學謁孔子遂御崇化堂命祭酒曹威講禮記大學篇監學官各進一秩諸生推恩如故事時士宗公以上等上舍生學行兩優例恩賜釋褐及第復遇郊恩詔補廸功郎攝本縣儒學教諭

度宗咸淳三年丁亥釋褐及第

胡渭夫

字紹上一字匡伯

輔成公十二世孫

胡大年

字伯齡號嵩菴

輔成公十二世孫

按度宗本紀咸淳三年正月戊申帝詣太學謁孔子行舍菜禮禮部尚書陳宗禮國子祭酒陳宜中進讀中庸己酉執經官宗禮講經官宜中各進一秩賜紫章服太學國子學官各進一秩諸齋長論及起居學生推恩有差時匡伯公以上等上舍生推學行兩優例嵩菴公以升舍在幸學之前許陳乞恩例並賜釋褐匡伯公仕終浙東路嚴州分水縣丞嵩菴公仕終浙西路湖州安吉縣主簿

薦辟第五

按宋史選舉志云科目既設猶慮不能盡致天下之才式韜晦而不屑就也徃往命州郡搜羅而公卿得以薦言熙寧三年諸路搜訪行義爲鄉里推重者試舍人賜官有差亦足以見幽隱必達治世之盛也高宗垂意遺逸東帛之聘後先相望或賜出身或賜處士號以寵之所以振清節厲頽俗也理度二宗以後國勢日迫賢者肥遯迄無聞矣栢堂公猶以才德辟舉于咸淳間是用揭之以光家乘故類宋朝選舉而次薦辟于釋褐之後

度宗咸淳七年辛卯薦辟

胡坤

字本亨一字大坤號栢堂

輔成公十一世孫

按宋元舊譜云栢堂公器量宏大氣岸雄偉承父存菴新造之基祇服厥績內行修謹不事表著史稱外歛其華內實有才猷者宋度宗咸淳七年夏五月大風海溢濱海之堤悉壞公挺身募衆修

築之不日而成鄉人利賴之上其事于郡守遂舉爲沿海制置司  
幹官勅授從仕郎時尙書劉黻爲沿海制置司使奉朝請初建嚴  
子陵先生高節書院于邑之東陳山公佐其使括田充書院費用  
物備具享祀豐潔祠墓修治公之力居多云

### 元朝選舉

按元世祖裕宗成宗武宗歷四朝仕皆刀筆至仁宗皇慶二年癸  
丑始詔復興賢能設進士科出行省鄉試次年禮部會試分左右  
榜左榜兩場第蒙古色目人右榜三場第漢人南人進士三年一  
舉不及百人鄉貢浙江行省額取蒙古五人色目十人南人二十  
八人據胡氏宋元舊譜元九十三年先世多隱居求志不屑屑于  
科舉故鄉貢進士無可錄今所錄者薦辟七人殆昔人所謂厲世  
砥俗恒必賴之者歟

世祖至元二十八年辛卯薦辟

胡大用

字國器號古菴

輔成公十二世孫

按古菴公于宋度宗咸淳初補太學生隱居教授學者視為典型  
元世祖二十八年詔求隱晦之士公以德行薦辟仕泗州學正

成宗大德元年丁酉薦辟

胡元之

字傳老號承家

輔成公十二世孫

按承家公性警敏尙志氣急人患難遇善人視善大小為師行誼  
表善于鄉邑至元元貞間達魯花赤舉掌海運經理周悉得免風  
濤之患衆皆服其策有司具以聞大德元年擢慶元路市舶提舉  
司提綱改提舉制置解鹽司提綱

成宗大德十一年丁未薦辟

胡友謙

字吉士號牧齋

輔成公十二世孫

按牧齋公大德丁未以德行薦辟授嘉興路儒學教授轉國路宣

城知縣

明宗天歷二年丁巳薦辟

胡夢鶴

字應仙號方壺

輔成公十三世孫

按方壺公天歷二年三月以才德薦充浙江提舉司幹辦公事授

將仕郎

順帝元統二年甲戌薦辟

胡子回

字士厚號克菴

輔成公十四世孫

按克菴公元統甲戌以文學充山陰縣儒學教授兼掌會稽一云

泰定帝致和元年戊辰八月以文章薦順帝元統二年甲戌選教

職

順帝至正五年乙酉薦辟

胡秉常

字德中號茶園居士

輔成公十四世孫

按德中公讀書有氣節補州學弟子員諸弟子多推崇之至正五年薦辟貢入太學十二年壬辰補本州高節書院山長教有成績

轉台州路學錄仕不充其志遂引歸開圃植茶著書自娛學者稱  
為茶園先生

順帝至正十五年乙未薦辟

胡原善

字士良號長拙

輔成公十五世孫

按長拙公至正十五年以明經薦辟補杭州路錢塘縣儒學教諭

明朝薦辟

按明太祖洪武元年詔懷才抱德隱于巖穴之士所在官司用心  
詢訪其實申達以憑禮聘三年又詔徵天下博學老成之士上諭

禮部曰朕自臨御以來思得賢才以熙庶績然博學老成之士匿  
德藏光其于窮餓不肯輕出宜下有司悉心體訪禮送于朝朕將  
顯用之六年命禮部暫停科舉別令有司察舉賢才諭曰世有賢  
才國之寶也古之聖王恒汲汲於求賢蓋賢才不備不足以爲治

鴻鵠之能遠舉者爲其有羽翼也蛟龍之能騰躍者爲其有鱗鬣



也人君之能制治者爲其有賢人而爲之用也今山林之士豈無德行文藝之可稱者宜令有司采舉備禮送至京朕將任用以圖治十八年詔舉孝廉之士又諭禮部曰古者選用孝廉孝者忠厚豈弟廉者潔己清修如此則能愛人守法可以從政矣其令州縣凡民有孝廉之行著聞鄉里者以禮遣送京師非其人勿濫舉于是洪武朝吾姚邑以徵聘先後至京者共計五十九人而吾胡氏以耆德文學徵聘者二人昔人謂爲一族之鳳凰景星有光家乘豈虛譽哉故錄之

太祖洪武元年戊申薦辟

胡惟彥

字斯美號淳樸

輔成公十五世孫

按國史家乘云公少時卽慕古聖賢之學務躬行不事口說居鄉以耆德見推元季之亂隱居行義明太祖聿興詔求天下遺逸縣令陳公達以公耆德應詔禮送至京于是改元戊申九月初六日

上太平頌又賦早朝詩十章上悅特拜河南布政司左布政使

郡

邑志云拜湖廣參議

公自言草莽細民不敢驟居方面之職懇辭

不拜改山東兗州府知府為政寬嚴並舉吏畏民懷顧以遭逢非  
偶力圖建立以答知遇憂勞政治卒於官兗州之民悲哀涕泣若  
喪父母復樹碑以志思云

太祖洪武七年甲寅薦辟

胡文煥

字允章號開翁

輔成公十五世孫

按公刻意讀書五行俱下常受業於國子博士錢公宰學業大進  
同學者莫窺所造也善為古文辭明與洪武甲寅以明經薦辟掌  
上虞縣儒學教諭襟佩鏘然殊有成績二十四年辛未春召至京  
試以兵戈甫定詩有牧民氣象陞授知縣職命于禮部習政將視  
闕補其任一日疾作神色不變而逝學者私謚為栢山後儒云建  
昌南城縣教諭李白詔狀其行漢中府教授方孝孺誌其墓



胡氏職官錄

埋馬後裔文祥纂修

維祖若宗

累仁積德

師師在位

濟濟在職

時亮天工

以祐以辟

名垂國史

績紀太常

於邦有慶

於家有光

凡厥後人

克念勿忘

職官錄第一

宋朝

追贈授階胡諒

以子穆恩

初贈將仕郎大理寺評事

加贈宣德郎大理寺丞

禮部正奏名進士出身胡穆

初任秘書省著作佐郎

二任秘書省秘書丞

三任太常博士

四任浙西路湖州府安吉縣令

五任戶部屯田司員外郎

贈左朝請大夫 以子尙文恩

旌表忠義胡祖

詔補廸功郎 嘉祐七年

追贈授階胡尙能 以孫沂尙書恩

特贈中奉大夫

釋褐出仕胡尙文 宋初以太學生恩賜出身者謂之釋褐

淮南東路泗州通判

禮部正奏名進士出身胡尙智

廸功郎

特奏名進士出身胡宗伋 特奏詳選舉錄

初任京西南路房州文學



廣風古氏宗譜卷之三

三

二任迪功郎荆湖南路潭州瀏陽縣丞

三任監浙西路嚴州比較務

四任右修職郎監荆湖南路潭州南嶽廟

五任右從政郎江南東路饒州德興縣丞

初贈右通直郎 以子沂恩

二贈右承議郎

三贈右朝散郎

四贈右朝奉大夫 乾道六年 郊恩贈


五贈右朝議大夫

六贈右中奉大夫 乾道九年 郊恩贈

七贈右大中大夫

鄉舉出仕胡宗堯

初授監獄權餘縣簿承務郎



禮部正奏名進士出身胡沂

初仕左從事郎浙西路秀州軍事判官

未滿紹興十年八月丁外艱

二任差江南東路宣州教授秩滿循左文林郎

三任差浙東路衢州教授

紹興二十五年乙亥十二月召對除秘書省正字兼實錄檢討官

二十六年丙子十月改左宣教郎

二十七年丁丑二月遷校書郎十一月磨勘轉左中奉郎十二月

兼權工部員外郎

二十八年戊寅七月除吏部員外郎九月轉左朝議郎十一月磨

勘轉左朝奉郎

二十九年己卯九月兼權右司郎中

三十年庚辰正月兼權右司郎中中書門下省檢正諸房公事三

月除右司郎中

五月丁內艱

三十一年壬午除國子司業兼皇子鄧王府直講十一月除殿中侍御史十二月磨勘轉左散郎

隆興元年癸未除顯謨閣主官台州崇道觀

二年甲申遇明堂恩賜五品服十二月磨勘轉左朝請郎

乾道元年乙酉十二月主官隆興府玉隆觀

二年丙戌正月召對除宗正少卿六月兼皇子慶王府贊讀十

一月轉左朝奉大夫

三年丁亥七月轉左朝散大夫閏七月磨勘轉左朝請大夫兼權起居郎八月除起居郎

四年戊子六月兼侍講除中書舍人

五年己丑十月除給事中

六年庚寅閏五月轉左朝議大夫七月除吏部侍郎兼權禮部尙書九月除徽猷閣待制知處州軍事提舉學士事

七年辛卯二月磨勘轉左中奉大夫 郊恩封餘姚縣開國男食

邑三百戶九月除提舉江州太平興國宮

八年壬辰二月除太子詹事兼侍讀尋除給事中兼太子詹事兼

侍講四月轉左中奉大夫九月除權禮部尚書兼太子詹事兼

侍講十月兼權兵部尚書

九年癸巳正月兼修玉牒官七月除禮部尚書兼太子詹事兼侍

讀十月轉左大中大夫十一月除龍圖閣學士提舉江州太平

興國宮 郊恩封餘姚縣開國子加食邑三百戶致仕

淳熙元年甲午正月特 旨轉左通議大夫

二年乙未贈太子少保加 特進

紹興元年庚戌正月特賜謚章簡尋易獻簡 宋史列傳謚獻肅

特奏名進士胡源

迪功郎浙西路秀州文學

鄉舉出仕胡滂

太學學錄

太學上舍生出仕胡洵

賜廸功郎授監獄轉浙東路台州教授

淳熙四年丁酉幸學恩

太學上舍生出仕胡濬

賜廸功郎江南東路寧國府涇縣丞

淳熙十六年己酉內禪登極恩

武科出仕胡澣

初任安撫司準備差使

二任授承節郎瀘南沿邊路兵馬監押

三任轉保義郎

大學生出仕胡漸

賜廸功郎

紹定元年

郊恩

太學上舍生出仕胡擇

國子監學錄

嘉泰二年癸亥推

幸學恩以齒德而優例

鄉舉出仕胡拭

國子監直學

鄉舉出仕胡拱

初授迪功郎充浙東路安撫司准備差遣監回易庫終承事郎

贈中散大夫

以子衍恩

蔭補出仕胡挺

初授迪功郎

以父沂尚書恩

終朝散郎浙東路婺州通判兼權州事

蔭補出仕胡搏

初授承務郎

以父沂尚書恩

浙西路臨安府大都督府樓店務監

西京中嶽廟監





兩浙都轉運司使幹官

終奉議郎

贈中奉大夫 以子衛恩

按中奉舊官銜考作通奉家藏真本則中奉也故從諸抄本有作通議者誤

辟召出仕胡拂

特授翰林待詔

淳熙十二年年十三歲考書學生合格入翰林書藝局嘉定改元召見面試篆書稱旨特授

禮部奏名進士出身胡衛

初授承務郎恩賞轉承事郎浙西路臨安府新城縣監稅 慶元二三年

任時未出身以祖沂尚書恩蔭授

二任宣教郎浙西路臨安府于潛縣知縣兼貨務提舉

三任朝奉郎浙東路慶元府通判

四任太常寺簿出知淮南西路安慶府

五任知浙西路常州府

六任除軍器少監

七任右正言兼侍講

八任除殿中侍御史

嘉定十二年

九任權刑部侍郎

十任除禮部侍郎中書舍人直學士院

十一任左通議大夫提舉隆興府玉隆萬壽觀

郊恩封餘姚縣

開國伯食邑七百戶實封四百戶

禮部正奏名進士出身胡衍

初授承務郎恩賞轉承事郎浙西路秀州監酒

二任從政郎浙東路婺州義烏縣丞

以上未出身時任以祖沂尚書恩授



三任通直郎浙東路温州永嘉縣知縣

四任浙東路台州府黃巖縣知縣

五任大夫權知浙西路鎮江府

六任宣政大夫江南西路撫州通判

七任朝議大夫知荆湖北路漢陽軍事主管勸農營田使兼節制

兵馬 郊恩封餘姚縣開國男食邑三百戶實食邑一百戶

鄉舉出仕胡衢

初授將仕郎浙西路安吉州安吉縣監鎮

二任浙東路衢州西安縣監鎮

三任江南西路贛州察推

四任浙東路慶元府昌國縣蘆花塲監

五任兩浙轉運司使主管文事

六任兩浙提舉常平倉司幹辦公事

七任江南西路隆興府進賢縣丞

蔭補出仕胡衡

初授將仕郎

以叔挺通判恩

浙西路平江府姚黃顧涇稅務監

終儒林郎浙西路臨安大都督府臨安縣丞

禮部正奏名進士出身胡時中

淮西路總幹

禮部正奏名進士出身胡剛中


秘書省正字

大理寺評事

大理寺丞

殿中丞

國子監博士



鄉舉出仕胡頰

著作郎

太常博士

浙西路江陰軍江陰縣知縣

太學上舍生出仕胡葵

廸功郎 淳祐九年以學行兩優例

吏能出仕胡蒙

初授將仕郎 為御史臺掾薦授


終廸功郎江州德化縣主簿 嘉熙改元遇 郊恩轉授

鄉舉出仕胡觀

歷仕承事郎浙西路嘉興府華亭縣知縣

蔭補出仕胡寮 以父衍漢陽知軍恩 梅川埋馬始遷祖

奉議郎浙西倉司幹辦公事



蔭補出仕胡察

初授將仕郎

以叔衍漢陽知軍恩

轉廸功郎江南東路饒州浮梁縣主簿

未任而卒

鄉舉出仕胡汝文

國子監助教

薦辟出仕胡坤

從仕郎浙東沿海制置司幹辦公事

特奏名進士出身胡向禮


朝奉郎

鄉舉出仕胡舜夫

江南西路隆興府豐城縣主簿

太學生出仕胡渭夫

浙東路嚴州汾水縣丞



太學生出仕胡大年

浙西路湖州安吉縣主簿

元朝

薦辟出仕胡大用

淮南東路泗州學正

薦辟出仕胡元之

浙江提舉制置解鹽司提綱

薦辟出仕胡友謙

嘉興路儒學教授


寧國路宣城縣知縣

旌表孝義胡忠

欽封副使

延祐六年

旌表孝義胡濬



欽封副使

延祐六年

薦辟出仕胡夢鶴

浙江提舉司幹辦公事

授將仕郎

薦辟出仕胡秉常

餘姚州高節書院山長主教祀事

轉台州路儒學學錄

薦辟出仕胡子回

紹興路山陰縣儒學教諭兼會稽

明朝


追贈授階胡大智

以子惟彥恩

誥贈中順大夫山東兗州府知府

薦辟出仕胡惟彥

洪武元年以耆德薦





初授河南等處承宣布政司使左布政使懇辭不拜

改授中順大夫任山東兗州府知府

按郡邑志拜湖廣叅議政懇辭改兗州府知府

薦辟出仕胡原善元至正十五年乙未以明經薦

杭州路錢塘縣儒學教諭

係仕于元今依昭穆世次故錄于此

薦辟出仕胡文煥洪武七年甲寅以明經薦

初任紹興府上虞縣儒學教諭

陞授紹興府上虞縣知縣未任而卒


榮封授階胡寬以中子恭恩

敕授承德郎南京刑部湖廣清吏司主事

旌表忠義胡宏

勅授承事郎正統十四年 奉勸分

詔例



賜進士出身胡恭

初任南京刑部湖廣清吏司主事

二任南京刑部福建清吏司員外

三任河南提刑按察司使僉事 卒於官

賜進士出身胡贊

初任南京兵部職方清吏司主事

二任南京兵部車馭駕清吏員外郎

三任江西建昌府知府


四任河東陝西都轉運司使同知加本司運使致仕

追贈授階胡崇墉

誥贈京卿 以子晉錫恩

胡天錫

歷任山西代州知州




進士出身胡晉錫

由翰林院仕終光祿寺正卿

武功出仕胡允昌

勅授明威將軍





祠墓錄引

墓誌祭產附


古無墓祭漢時始舉其禮先儒蓋  
嘗疑之以爲墓藏體魄非先靈所  
依然以親之遺體而脩服物以葬  
之是神之也神之則祭之可也且  
廟祭之先而有祊祭者亦可見求

神於象外之意祭禮云夫墓爲先  
人體魄所藏當三月上旬拜掃之  
時環遶省視除草棘添土俾無荒  
地禮也朱子稱湖南風俗上塚盡  
哀猶有古意繹其義豈無謂哉吾  
族於祖墓不能遠紀自栢山以至

穴湖及嘉興蘭風各支大祖之墓  
其可考者叙世傳之外更爲祠墓  
錄一編並附誌銘及祭產而詳載  
之其於後之營葬未定者止註明  
叙世傳下蓋形藏而魄依斯義理  
之當然報本以追遠乃人情之無

已後之人不失其守庶能免夫犁  
田摧薪之患云耳

後裔世泰敬識





新建祠堂記


凡物各以形相爲用而有其神者往往以寄寓而常處於不窮火之爲物也當其取之也自無而之有可以燭兩間照萬象其自有而之無則實寄寓於木石之中莊生云火窮于薪薪盡而火傳殆有形而神焉者祖宗之香火其無形而神也亦然是豈無所寄寓者乎祖宗之神寓于主主寓於祠而後薪傳而火長不熄焉吾故曰祠廟之興廢子孫盛衰之候也子孫之盛衰亦祠廟興廢之候也蘭風五車堰之有胡氏也所從來遠矣而竟未有祠雍正五年間堂兄鴻肇念宗祠未建深悲神之靡所寄寓以妥侑靈爽而庇厥後嗣也爰集近族之同志者爲建祠計其爲鑑之叔輩則有東屏君重德恒其屬同輩則有時望正域宰衡南金而姪輩則廷傑也計此十人各捐銀三兩共得三十金爲數亦無多耳於以建祠殊覺甚難乃自五年至十三年由本生息便得四百金不料鴻肇

逝世無奈將此種銀分領出息東屏君重各領百金宰衡南金與  
儲共領二百金息不過二分至乾隆八年共積銀一千八百兩有  
奇因酌議建祠買基址構材料厥位維陽厥土惟剛厥材惟良衆  
匠善勤諸孫展長其董督則族長榮先房長天叙等始工於乾隆  
甲子之仲秋落成於丙寅之仲冬於是總計核之用錢若干貫而  
不以爲費用力若干日而不以爲勞用美材堅甍若干數而不以  
爲多臺堂門廡黝堊丹漆壯偉閎耀而不以爲侈祠旣成奠

列祖列宗於萬年臺上會各子姓具衣冠薦黍稷鳴鼓鐘蹒蹒濟濟  
肅肅雍雍而情深而文明而類聚而羣分所謂如事生如事存者  
洋洋固若是乎是祖宗之形之自有而無者乃神之自無而之有  
也其寄寓於廟者何如也擬之火隱托於木石也何以異是祠事  
完竣尙有餘贖資百十金置田數畝十人邀同一會以每年租息  
虔備祭儀追祀

始祖暨昭穆宗親之神於堂毋疏毋數春秋行事惟祈流慶而舄奕  
乎千載云用叙厥緣起并誌始事之孝思以感動乎後人  
乾隆三十一年歲次丙戌秋八月

嗣孫鑑沐手謹識



胡氏栢山祠墓錄

佳城鬱葱

鳳翥龍翔

猗歟列祖

壽考之藏

鐘靈孕秀

紫誥金章

子孫保之

慶衍無疆

輔成公墓

在燭溪之燭大

強仁公墓

在雲柯鄉之松山

贈大理寺承德休公墓

在雲柯鄉之烏于湖東北壟菴曰時思

恭甫公墓

在雲柯鄉之松山

贈中奉大夫謙道公墓

在雲柯鄉之松山

贈大中大夫少保定翁公同配莫淑人墓

在雲柯鄉之翁湖山菴曰

存菴

叅知政事李莊簡公光銘公之墓曰凜志節以希古人兮既銳而

堅謂功名可力致兮恥沒世而無傳強學疾驅兮人十已千見義

必為兮人後已先心亨志遂兮樂只坵園雖屈於一時兮皓首迤

遭其存而不朽兮嗣子之賢蓋造物者不報其人而報其人之天  
翁湖之濱卜兆新遷餘慶流芳子孫綿綿

敷文閣學士劉公正銘淑人之墓曰侃侃宜人行中軌則歸嬪儒  
家伉儷連璧朝暮見聞詩書禮易惟善之為曾靡有忒晚而就養  
既壽既德夫豈人謀食報其力家山相望墓木拱揖我諗之銘州  
里是式

禮部尚書周伯公墓 在龍泉鄉燭湖澄溪小嶼之原

贈中奉大夫崇禮公墓 在雲柯鄉之翁湖山

宣教郎永嘉葉水心適銘公之墓曰生而知方學而蹈道職當身  
成豈限常報淺耕先獲深種後收靜而自至福焉待求露楸亭亭  
雲塚幕幕崇禮之銘于以尚德

禮部侍郎敦道公墓 在吳山孫魯菴曰存菴


居敬公墓 在孫魯口放馬路西北高地

解元忠成公墓 在孫舉存菴之北

宣城縣尹吉士公墓 在雲柯鄉新湖之南

應龍公墓 在雲柯鄉之獨姥湖北山

思漢公墓 在柏山



穴湖祖塋

宣教郎有常公墓 在冶山鄉穴湖山之麓南向

安善公墓

壽廣公墓

福緣公墓

澤菴公墓

承宗公墓

以上五公墓俱附葬有常公墓所

祭產

墓所

山千一畝二分

墨字五百六十六號


地三畝六分四毫

五百六十九號

地四畝六分九厘

又

地二畝二分五毫





五百七十號

地一畝一分三厘四毫

五百七十一號

地一分九厘

緣字一百五十一號

田四畝二分四厘

一百五十二號

田二畝五分六厘六毫

龍字三百八十五號

田七分六厘五毫

墨字七百五十四號

田三分一厘六毫

五百七十三號

田七分六毫

五百七十二號

田三分三厘三毫

五百九十一號

田三分

五百七十四號

田六分九厘九毫

九百三十八號


田九分六厘

九百九十八號

田一畝五厘

一千二十四號

田三畝六分二厘五毫



五百七十四號

田一畝九分九厘

五百九十一號

田六分三厘

又續置

山三十一畝二分

墨字五百六十九號

地一畝三分一厘三毫

五百七十號

地一畝六分七厘五毫

息字七十六號


地一畝正

墨字五百七十四號

田一畝八分九厘

五百九十一號

田六分二厘



杭嘉支祖塋

東平公墓 在上虞三都趙行橋東北首正穴

遠齋公墓 附東平公昭上

贈京卿西爽公墓 附東平公穆上

光祿寺卿蕃侯公墓 在祖墳東北首濱之上大穴

季儒公墓 在光祿公東南首近水一穴

海一公墓 在臨山衛千金湖福全山頂乙山辛向方家嶺作案

見泉公墓 在上虞四都楊胡堰之西北土名西谷畝乙山辛向夏蓋

山作案遶墓有祭田

心字公墓 在上虞四都西湯下湯家橋北塊乾山巽向遶墓有祭田

墓基二畝四分

爾玉公墓 在見泉公墓北相並卯山西向夏蓋山作案左右有祭田

墓基六畝一分八厘七毫

潮源公墓 在嘉興王店鎮市南平橋之陽高橋之左南下念二庄中


南穴乙山辛向

洪源公墓 與潮源公墓相並中北穴辛向

澄源公墓 附潮源公墓南相並邊穴辛向

瀛源公墓 附洪源公墓北相並邊穴辛向四公並葬共基四畝六分

外有祭田



蘭風支祖塋

天忠公墓

天純公墓

並在邑東門外高田街祖遺屋基地

祭產

東裡房祖塋

玉一存道公墓

在屠巷堰官路魏姓屋後田中土名老鼠尾向東南


貼北

玉三公墓基地係牧字號是地有墳四支中二支為

玉

一公玉三公墓北首者玉一房後裔之墓南首者玉二房後裔之

墓



虞風古蹟記卷之四  
三亭不堂  
玉三存善公墓 立石上題明玉三胡公暨配魏氏孺人之墓  
墓基

收字一千

地三分

良二鳴鳳公墓 在高田畝坐坤向艮其子國秀公墓在公墓後過東首亦向北國秀公不娶外孫黃斗文承母遺命贖公之故基建屋七間中奉神主又置上虞冬字號田五畝永作祭產擇公親友之後承領其祀別有執據茲不細載

祭產

上虞冬字四十四號

田五畝

良三鳴岐公墓 在新湖竺山之陽土名大埠頭向東北

祭產

秋字一千五百七十二號

田五分六厘六毫九系三忽

良三房各祖墳俱在內

一千五百七十號

田五分六厘

墓基

調字二千三百四十九號

山地八分四厘

文璧公墓 在上虞三都嶺南厲姓屋左向西南

祭產

上虞冬字三號

田一畝四分二厘

八號

田一畝二分三厘八毫

十八號

田三分

墓基

列字一千六百七十二號

地一分六厘


一千六百八十號

地一分

本邑秋字一千五百七十二號 田五分六厘六毫九系四忽良五房

各祖坟俱在內

德臣公墓 在上虞三都嶺南文璧公墓側向東南



墓基

列字一千三十八號

地一分

二千六百八十八號

地一畝一分

一千六百七十三號

山三分二厘

金六爾侯公墓 在高田畝中坐艮向坤兼寅申三分辛丑辛未分金

有欄石上題明故金六胡公配華氏之墓

祭產

秋字一千五百七十一號

田一畝六分八毫六系六忽

一千五百八十六號

田一分

一千五百七十三號

田一分七厘二毫五系


墓基

秋字一千五百七十一號

地六分五厘六毫 金二元各祖墳俱在

一千五百七十五號

地五分二厘五毫 丙





金十五近塘公墓 在高田畝中坐寅向申兼艮坤三分丙寅丙申分

金有欄石上題明隱近塘胡公翁氏之墓貼左有欄石無字者一支餘二支皆無欄石貼右一支有欄石僅存明故東川四字採知左右之墳並爲元字輩祖墓而元九公元十五公元二十三公之墓宜在焉

元九秉忠公墓 在金十五公墓側

元十五秉貞公墓 在金十五公墓側

元二十三秉廉公墓 在金十五公墓側

以上墓基係秋字號在金六公祭產內

祭產

上虞冬字四十四號 田二畝

賢廿六秀峰公墓 在高田畝東南隅向東南對淡水泐口

孝四邦本公墓 在上虞三都調馬塘大泐畝又名唐家壩坐壬向丙

兼亥巳三分辛巳辛亥分金坎癸入亥朝之局近身二泐青龍作  
案無表誌今立小欄石上題明孝四胡公陸氏孺人之墓  
墓基

暑字一千八百四十三號 田四分

一千八百四十四號 田二分五厘

一千八百六十四號 地三厘

旭六翰卿公墓 在高田坂東南隅淡水泐口東首坐丑向未兼癸丁  
三分丁丑丁未分金配曹氏孺人王氏孺人仝葬


祭產

秋字一千五百七十三號 田二畝

宗振公墓 在高田坂金十五公墓後過東朝南向

祭產

上虞冬字四十四號 田四分三厘七毫



九十號

田四分八厘五系

廷侯公墓 在東山都鷄籠山北麓坐巽向乾有欄石上題清故廷侯

胡公配黃氏孺人墓墳前石砌拜臺二級

墓基

寒字八百二十號

地一畝四分

祭產

秋字一千五百七十號

田一畝三分五厘

一千五百七十三號

田二畝一分

耀卿公墓 在高田採知

祭產

秋字一千五百七十八號

田九分四厘八毫四系三忽

雲龍公墓 在上虞四都橫山之北原土名金家泐畝坐亥向巳兼乾

巽三分丁巳丁亥分金取五貴峰作朝


墓基

藏字三百五十三號

田一分四厘六毫

三百五十六號

田四分



西外三房祖塋

瑞一南泉公墓 在上虞二都橫塘廟孔堰劉姓屋後山居西第一穴

南向

祭產

月字三百四十五號

山八畝

月字三百四十六號

山五畝

上虞收字九百九十一號

地五分

冬字十二號

田三畝五分

藏字二千三百六十九號

田一畝二分七厘五毫


二千三百七十二號

田五畝二厘三毫

岳四繼泉公墓

岳五承泉公墓

岳廿五公墓



明一思泉公墓

昱四龍江公墓

癸子午

以上五公並附葬瑞一公墓左

岳五公祭產

上虞冬字四十二號

田一畝八分坐落屠巷堰畝

比十六號

田一畝四分油車橋畝

明七公墓 在本廟後泐頭田中

祭產

餘姚秋字一千四百九十九號 田一畝九厘

清明祭掃照瑞一公例輪值



昭一近泉公墓 在高田中東南向

昱三龍洋公墓 在高田近泐北向

星三追伯公墓 在上虞二都陳宅澣舉山麓陳宅左側西南向

星八介臣公墓

星九符玉公墓

晨廿一光初公墓 附右 以上三公墓並在上虞馬慢橋樟樹廟右首隔

河田中名滴脉穴西向水聚天心

星七完赤公墓 在祝聖廟右首隔河田中東南向

祭產

明六慕泉公墓 東向

昭十五清源公墓

昱十二國祥公墓

昱十五國棟公墓 以上四公墓並在廟東高田畝

昱廿二國賓公墓 在上虞二都魯家跳破崗畝田中癸山丁向

曜五允昌公墓 在祝家山蟬箝穴西向

祭產

明九及泉公墓 在龍舌堰對河西滙頭東向

昭七洪源公墓 附明九公墓左





昭十應方公墓 附明九公墓右

昱十八國英公墓 在廟東高田畝

昱二十邦日公墓 在高田東南首

昂八顯文公墓 在屠巷堰魏姓屋前西首


祭產

明十二源泉公墓 在上虞跳頭杭郎畧山艮山坤向斜對鯉魚山

昭廿一心源公墓 抱葬明十二公左首有欄石

昭十六澄源公墓 在明十二公墓右首之下

昱十七君美公之配 墓在拜臺之下



高麗古史卷之六  
三  
昱廿九彩臣公墓 在明十二公右肩山上

墓基

列字三百十四號

山二畝

又

山五分

昱廿一念生公墓 在馬家堰前潘高地石姓墳右肩乙山辛向

墓基

律字一千八百八十六號 地一畝一分七厘五毫

晟一天石公墓 在高田畝北向

墓基

秋字一千五百七十六號 田五分

晟五東屏公墓 在小越莊家畧山麓未山丑向

墓基

列字一百六十六號

山一畝三分



晟八君重公墓 在小越湖嶺南施姓屋右田中北向

祭產

瑞五來濱公墓 在魚鱗山對面俞楊畧西南向

岳九大鐘公墓 在屋後泐底畝西向


明四承源公墓 在龍舌堰龍舌尖

昭三敬川公墓 在屋後泐底畝

祭產

餘姚秋字一千五百十八號 田一畝六分一厘四毫

一千五百十九號 田一畝二分



一千四百九十二號

田四畝七分四厘五毫

一千五百廿三號

田一畝二分三厘一毫

一千五百四十八號

田八分

一千五百三號

地一畝一分

冬字一千五百廿二號

田二畝

成字七百廿九號

地三分四厘五毫

七百三十號

地五分五厘一毫

又

山一畝五分

上虞收字一千七十七號

田一畝

藏字二千三百八十三號

田一畝二分六厘五毫

昇一愛川公墓 在屋後泐底畝岳九公墓側

上虞冬字五十二號

田一畝六分七厘一毫

七十四號

田二畝九分六毫



八十六號

田一畝三分三厘

昶一敬峰公墓 在齋堂廟嚴姓對面南向

祭產

上虞冬字四十四號

田四畝一分四厘

昶九聞瑞公墓 在小穴湖佛跡山橋內金家畧外畧

祭產

上虞收字九百七十六號

田三畝七分九厘一毫

九百七十七號

田三畝九分三厘五毫

九百七十八號

田二畝七分一厘三毫

九百八十號

田六分三厘


往字一百五十四號

山五厘

李字十二號

山三分

暹一燦如公墓 在孔家畧黃甲山廟西首



祭產

上虞冬字四十八號

田三畝七分

五十八號

田六分二厘九毫

藏字十號

山五分

往字一百廿六號

山二畝九分

一百八十三號

山八分

遲二開如公墓 在屠巷橋官路傍

祭產

收字一千七十號


田一畝六分

遲五瀛洲公墓 在屠巷橋魏姓屋西坐東向西

昶七虎臣公墓 在上虞三都羅姓祠堂橋對河

遲九鴻肇公墓 附葬俱有欄石

墓基



律字

地一畝

西外四房祖塋

岳廿三友川公墓 在上市頭畝

明十七心源公墓 在友川公墓左孺人墓在俞夾塘相近山上

榮七玉如公墓 在俞夾塘山上

祭產


上虞冬字十三號 田一畝五分三厘一毫

十五號 田一畝四分三厘二毫

牧字九百七十五號 田一畝九分四厘六毫

一千七十五號 田四畝八厘八毫

一千七十七號 二畝



華十五日章公墓 在楊家溪田中西向

祭產

上虞牧字十七號

田一畝五分七厘七毫

二千三百七十三號

田九分五毫

藏字九百七十九號

地一畝三厘





遷徙錄引

吾族自栢山徙居縣東門外又自  
東門外遷茲蘭風同支分徙者則  
有嘉興高田衙冶山等處而杭省  
又有分居嘉興者先是由栢山分  
支者則有竹山從山曲塘灣埋馬

天元市等處所以得追根源者賴  
有舊譜之存耳後之視今亦猶今  
之視昔安可不爲之地乎杭嘉諸  
支與我蘭風合爲圖傳矣其竹山  
諸支則另爲圖傳以附之至有遷  
寓地遠者雖於圖傳並載而未及

詳明今更爲一錄以便查閱務使  
根由確鑿則他日窮源返本按譜  
相符可無疑悞庶有以遂孝子之  
心其本宗有出繼異姓者亦從遷  
徙例書之蓋使日後歸宗得所考

據云

後裔健敬識



商周書契

遷移錄

栢山分支

自輔成公始遷居栢山其

第七世彥夫公遷從山

九世元和公遷竹山

九世士光公士遇公並遷曲塘灣

十世和夫公遷梅川

十世蒙正公遷梅川之埋馬


十四世思漢公遷縣東門外之高田街

十四世思周公遷雲柯鄉之天元市

十四世祖甲公四世孫字廷雲遷武康之五里牌

十五世伯鄙公三世孫字巖起遷蕭山之西與曹家庄

東門分支



蘭風古史卷之四  
三身本堂  
十七世福員公仍居高田街

十七世餘慶公二子名恒慎遷治山鄉之三層樓

十八世懋德公 按嘉興支譜云先世居上虞三都趙行橋公初遷

杭之東城廿三世見泉公遷四都之楊胡堰小泉公遷杭之褚堂

明季甲申易鼎時廿五世爾玉公卜居橋李之梅溪緣趙行橋東

畝胡家泐池頭向有平房一座燬于雍正年間其祖上墳墓多在

趙姓屋東高地及葬四都地面詳載祠墓錄其錄中第一代東平

公即十七世壽廣公歷世以來謂附墓穴湖山祖塋清明日二三

四房人合祭者也

十八世天忠公及天純公于明初並自東門外遷茲蘭風之五車堰

廿五世可行 二房軒鳴子居金華縣

廿六世堯臣 二房可立子居雲柯鄉之歷山

蘭風分支

十九世寶二聖兆公其後遷居松江今宗祠立有君美府君牌位一  
座故有木主內陷一塊書生于崇禎年間不知其世次今藏在萬  
年臺下

廿四世繼壽 東裡房邦安子遷浦江

廿四世良知 東裡房立本子遷上虞之巖家岙

廿五世成秀 東裡房燦章子遷蘇州

廿六世名揚 東裡房六吉子寓居直隸延慶州

廿六世名傑 東裡房永寧子寓居江南霍邱縣治前

廿六世伯順 東裡房觀寧子居嘉興

廿六世伯瑞 西外房旭陽子居蘇州

廿六世爵世祿 並西外房竒玉子寓居江南潁州潁上縣治署

北

廿七世玖 西外房公慶子

廿七世全 西外房公顯子並居前江

廿七世景德 西外房汝英子於雍正四年奉母何氏就父於河南

商水縣之周家口後父沒葬其地景德于乾隆二十年外遷寓江

南潁州霍邱縣之西陞三河尖鎮大街

廿七世士傑 西外房大用子居江南六合縣

外嗣錄附

十五世淄四 祖慶公第五子出繼歷山下陳姓為嗣改名陳順五

今其族亦繁衍

廿七世仕凡 西外房茂春子出繼呂姓為嗣生一子名尙本



